



Regitri



Cal: ICC-CPI

Regitri tye dul acel i kin dul angwen me Kot me Wilobo pi Bal dok en aye tye ki twero i kum tic ma pe kwako cik pa Kot dok miyo kony me tic ki Kot. Tic weng ma Regitri timo nen kamaleng ni tye ka time ma nongo ki cwako tic pa Kot ma pire tek.

Tic pa Regitri okeme ki lok ni omyero obed dul ma tiyo labongo apokapoka i kare ducu. Regitri ngeyo ni ber pa ticce, tic maber, timo jami kamaleng ki tic i wang cawa tye ki adwogi i kum cobo tic pa Kot weng. Regitri tiyo kun nongngo lubu Cik me Regitri ki rwom me tic me wilobo dok tiyo ma nongo ocike anyim tutwale i lok me technology me ngec ki me kubu lok.

Rwom me ngol matir

Tic ma Regitri miyo keme atikane ki winyo lok ma kiyabo ki lwak labongo apokapoka, maber dok oyot oyot.

Divijon pa Joo ma Kitimo Bal i Kum-gi ki Lupilida me Regitri weko lapilida cung pi dano ma kibyeko ni gutimo bal ki dano ma kikelo adot i kume dok me neno ni dul weng obedo ki kero ma rom, konyo lupilida me cobo tic gi. Divijon man bene konyo joo ma kitimo bal i kum gi me bedo tye i winyo lok dok me kwayo pi cul.

Divijon me Kot *Services* medo kero me kwedo lok ki pido malube ki ticce ma pirgi-tegu calo gwoko lucaden ki loyo Gang Twec. Divijon man bene miyo kony me gonyo dokumen ki leb pi winyo lok ducu dok tye ki twero i kum rekod, dokumen ma kibikelo i nyim Kot ki miyo ngec dok ticce me neno ni tic pa Kot owoto maber.

Tic pa Cekcon ma yubu dokumen ki miyo ngec bot Lwak (*PIDS*) pire tek me neno ni kitiyo me kelo ngol matir

maber kun nongo neno ni pido kiyabo pi lwak dok lwak romo bino iye, tutwale pi dano ma bal ma poto i ter twero me tic pa Kot omako kum-gi.

Cekcon me Gwoko Kuc neno ni kwedo lok ki pido otime kun nongo gwoko kuc ki neno ber bedo pa dul weng ma tye ka tic i kum lok moni kit ma twere kwede wek.

Dul ma ngene maber dok tye ki cwak muromo

Regitri winye kare ki kare ki dul mapat pat ma gitye ki miti i tic pa Kot i yoo macalo miyo ngec ki lwak, tic ki lwak ki kubu wat ikin Kot ki dul ma woko. Tic me kubu wat ikin Kot ki dul ma woko time ki miti me nongo kony ki bot Lobe ki dul me wilobo i kit lok macalo gwoko lucaden, keto i tic pwod, gwenye ki ngec, miyo jami me tic ki wot i *field* ki gwoko kuc. Dul ma pe jenge i kum gamente (NGOs), lutic cik ki dano ma okwano i rwom ma lamal aye dul ma pirgi-tegu i tic cik me wilobo i kum bal ma Regitri tiyo kwed-gi. Opici pa Registra kikume aye yubu dok neno kit me winye ki dul ma gitye ki miti i tic pa Kot.

Cekcon ma Miyo Tam i lok me Cik (*LASS*) ki *PIDS* bene gi tiyo tic ma pire tek ma kwako wat ki dul ma gitye ki miti i tic pa Kot. Dul me Kot mukene macalo Cekcon ma neno bedo i Kot ki culu Joo ma ki timo bal i kum-gi (*VPRS*), Unit matiyo pi Lucaden ki Joo ma kitimu bal i kum-gi (*VWU*) ki Cekcon me Gang Twec bene gi twero tic ki twero gi me tic maber ma nongo gigwenye ki ngec dok gitio kacel ki dul ma woko. Tic ki lwak i kum tic pa Kot bene gin ma pire tek me neno ni Kot obedo dul ma ngene dok matye ki cwak. Regitri en aye tye ki twero me yubu dok keto i tic programme me tiyo tic ki lwak kun lubu plan pa Kot me tic ma tito lok ducu me tic ki lwak.

Kot myero oteme me bedo cok ki dano ma bal omako kum-gi kun nongo giketo yoo matiyo maber me gwenye ki lok ikin-gi. Man biweko ki niang gung-ic ki miti gi dok bikonyo me medo gen gi i kum ngol matir me wilobo ma kwako bal.

Lanen me tic pi lwak

Cekcon mapat pat macalo Opici ma Neno Tic pa Kot, Cekcon ma Neno lok kum Lutic, Cekcon me Lim ki me Byeko Lim ki Cekcon me Gwoko Kuc kacel ki Cekcon ma Miyo Tam i lok me Cik gin weng tiyo tic ma pire tek me neno ni kiketo i tic yoo me tic mupore pi Kot kama gin weng gi tiyo iye tic-gi.

Ikin ticce mukene, Divijon me *Administration* miyo kony me *technology* me ngec maber, keto kacel tam maber dok ma tye kakare malube ki byeko lim, neno ni kitito kor lim, wilo jami me gang tic, neno lok me jami tic, neno ni opici me i field tye ka tic maber dok gwoko kabedo pa Kot, ma man weng obedo yoo me neno ni tic pa Kot owoto maber, ma nongo kiromo loko ne dok kiromo nyutu kor tic.

Tic pa Cekcon ma Neno lok kum Lutic ma pire tek i kin tic magi en aye miyo kony me yubu dok me keto i tic jami ma mitte ma kwako gin ma pire tek pi tic pa Kot, ma en aye lutice.



© ICC-CPL/Max Koot

I kom Regictra

Regictra matye karan madit me Kot aye telo Regictri. Lungolkop makato nucu aye guyero ki kwir ma gibolo i mung ki i kacoke pa lungolkop. Mego Silvana Arbia me Italy giyero i nino dwe 28 me dwe me aryo i mwaka 2008 macalo Regictra manyen pi tic pi mwaka abic. En leyo kawang Ladit Bruno Cathala. Mego Arbia obitiyo ticce i te loc pa Preciden.

Mego Arbia tye ki ngec matut me tic i cik me wilobo, cik me bal, ki tic me cik ma kwako cik me wilobo ma kwako bal. Ma pud pe odonyo i ICC, en obedo Ladit Maloyo Lok me Kelo Adot i kot me wilobo pi bal ma ki keto pi tutuno pi Rwanda (ICTR), en bene obedo Lakel Adot Madit ki Ladit pi tutunu Maloyo Lok me Kelo Adot i Opici pa Procekuta, dok otelo kelo adot i lok ma pirgi tego i nyim ICTR.

Med i kom meno, Mego Arbia obedo i kin joo ma gucoyo Cik me Roma pa Kot me Wilobo pi Bal macalo lamemba pa dul me Italy i 1998 i Kacoke pa Lucungu pa lobo mapatpat i Rome.

Mego Arbia tye ki Laurea i Cik ma onongo ki i Padova University, Italy, dok obedo katic macalo langolkop i Italy. En ocoyo dok ocwalo woko coc mapol ki buk i kom twero pa dano ki twero pa lutino.

